



Ekkoch Kapas Eis fiti ponuan fan iten Kapasen Orouren Ach Sipwe Suksefan

Ekkewe Nenien Camp Neran An Chon Sukun Fansoun An
Asesen Sukun (Ekkesiwin non 5/22/2020)

Met Chon Sukun Mei Kan Fofori

Ewin Kapas Eis: Met sokkun nikinikin ekkewe esisinen ei samwaaupwe tongeni forata an ewe semirit esapw tongeni pachenong non mwokutukutun ewe camp? Epwe ew chok me nein ekkewe esisinen ewe samwaaupwe? Epwe fis non nikinikin tetenin seni fan feita ika asan feitiw? Epwe ochufengeni fitu sokkun esisinen ewe samwaaupwe non chok ew fansoun?

Ponuen Ewin Kapas eis: Emon semirit ika chon angang mei wor ren **ew** me nein ekkei esisinen ewe samwaaupwe esapw tongeni epwe pachenong non mwokutukutun ewe camp: pwichikar (watte seni ika ukukun 100.4F), moor, weires fetanin ngasangas, ika weires an ngasangas. Ika pwe ese wor pwichikar ika osukosuken fetanin ngasangas, emon mei wor ren **ruu** me nein ekkei esapw tongeni epwe fiti: fou ika, metekitek non inisin, metek mokuran, metek non chioran, ika ese neni me tini nennen me pwonnen mongo. Saingonon, ach sipwe fiti met mei kettiw meren ekkewe nenien camp ika nenien sukun, emon (chon angang ika semirit) mei uri mwus ika feinseniesapw tongeni epwe pwan pachenong tori an epwe murin 24 awa an a kouno seni.

Oruen kapas eis: Ekkewe sam me inn repwe tongeni kawor ngenir unusen ran (7 nesosor ngeni 6 nekunion) ren ewe nenien tumun non fansoun ese chiwen wor sukun ika epwe tongeni chok esapw ran seni (7 nesosor ngeni 12 neonowas, 1 neonowas ngeni 6 nekunion) anongonong won met sokkun aninis epwe wor ren neni mei wor ian ewe samwaaupwe?

Ponuen oruen kapas eis: [kapsen ourour seni OHA](#) mei mutata me ruu unusen ran me esapw ran. A pusin non an ekkewe sam me inn finata ren menni re mochen.

Fansoun

Ewin kapas eis: Ewe programen summer epwe ne suk nge ewe neni ren Multnomah ese mwo poputani angangen ewe Ewin Kinikinin Suksefan. Epwe ifan nikinikin an epwe osukosuka ekkewe sukun ren SUN non ewe neni?

Ponuen ewin kapas eis: Ekkewe camp fansoun an a asese sukun me pwan ekkewe sukun fansoun summer,usun ekkewe sukunen SUN, ir ra angei kapsen ourour ren an epwene wor suk sefan non unusen ei state, poputa seni non ewe May 15, ese

pwan nifinifin meni kinikinin non ewe angangen suksefan ew me ew neni ra nomw non.

Oruen kaps ei: Pwokiten Ewin Kinikinin suk sefan a poputa non ewe May 15, iwe sipwene tonong non Oruwen Kinikinin suk sefan non Jun 5? Epwe wor met ekkesiwinin non onnukun ach kewe camp?

Ponuen oruen kapas eis: C Ekkewe sopw ika neni ra nomw non Ewin Kinikinin suk sefan repwe utiwitino ukukun 21 ran ar repwe kuna ika ese watteno chon urir ewe COVID-19 me mwen repwe angei mumutan ar repwene poputani ne tonong non Oruwen Kinikin. Non ei fansoun, ese mwo wor kokotun ekkesiwin ngeni onnukun ekkewe camp ren Oruwen Kinikinin suk sefan.

Eunungatin Kapas Eis: Ewe saingonon kapasen ourour mei afatatiw pwe ekkewe camp ren nenien mouruno rese mwo mumuta ar repwe suk "non ei fansoun". Kose mochen kopwe affataechu ika ekkewe camp ren nenien mouruno repwe tongeni suk ika inet ekkewe nenien mouruno repwe tongeni mumuta ar repwe suk non ei atun a asese sukun me pwan met sokun mei auchea epwe fis ar repwe tongeni suk sefan? Epwe tongeni pwe sisapw ekieki pwe ekkewe nenien mouruno resapw suk non ei fansoun a asese sukun?

Ponuen eunungatin kapas eis: Ewe ofesin Kepina me ewe Pekin Nemeni Tumwunun Fetanin Samwaaui ir mei angang fengen ne ekkieki ika ekkewe camp nenien mouruno repwe tongeni mumuta ar repwe suk non ekkane ekocho fansoun kinikinin suk sefan, nge ese mwo fat ren inet ika ese mwo wor kapasen met epwe fis non ei fansoun.

Oruanun Kapas Eis: Mei namot pwe sipwe amonata ekiekich ngeni sokkun ekkesiwin non unusen ei fansoun a asese sukun ika epwe wor ekkesiwin ngeni ekkewe kapasen ourour nupwen fansoun sipwe tongong non ew me ew minafon kinikinin sukk sefan?

Ponuen oruanun kapas eis: Non ei fansoun, ese pwan wor ekkoch ekkesiwin mei kapacheta ngeni ekkewe nenien camp neran nupwen fansoun sia tonong non ew me ew kinikinin suk sefan. Epwe wor sopwosopwonon angangen nengen sefani seni ewe Pekin Tumwunuw Fetanin Samwaaui.

Enimuen Kapas Eis: Ekkei kapasen ourour esapw wor ar repwe osukosuka kokotun me murin an epwene poputa sukun (murin September 1)?

Ponuen enimuen kapas eis: Ewer, ren ei ekkei kapasen ourour repwe tongeni osukosuka fetanin met epwe fis nupwen fansoun epwene poputa sukun. Mei tongeni epwe ekkesiwin nupwen sia sinei nonomwun ewe monun samwaaui ika fansoun sipwe sopweno ne nenengni ifan usun nonomwun ew me ew ekkewe neni ren ekkewe kinikinin suk sefan non unusen ei sopw.

Kapas eis nampa onu: Ika pwe mei pung met uwa aneani me non ekkewe kapasen ourour, ekkewe camp ra mumuta ngenir ar repwe suk non pwan ekkewe neni rese mwo poputani ewin kinikinin suk sefan. Iwe nge, ika pwe ra nomw non Ewin Kinikinin Suk sefan, ewe koukun 10 semirit repwe nomw non ew camp ina met epwe fis non ekkewe camp?

Ponuen owonuwen kapse eis: Ewer, ewe koukun 10 semirit non ew camp ina koukun met epwe wor non ekkewe camp ina mwo ika pwe ewe neni a nomw non efituwen kinikinin suk sefan.

Nenien Mouruno

Ewin Kapas Eis: Pwata ekkewe camp nenien mouruno rese pachenong non ewe saingonon kapasen ourour? Fengen me ese pwan wor met kapasen me mwen an epwe tou ewe saingonon kokkot?

Ponuen ewin kaps eis: Non fansoun a tori kapasen suk sefanin ekkewe nenien camp non Oregon, tumwunun manawen semiritin Oregon (me pwan ekkewe chon angang repwe wisen nenengenir) ina met sia aucheani non ach kokkot. Ren kokotun suk sefanin ekkewe nenien camp non Oregon, fan iten tumwunun ekkewe semirti me chon angang, sia opungano pwe ekkewe chok nenien camp repwe tongeni suk neran ina met epwe ne mumuta ngenir ar repwe suk non ei ewin kinikin. Iei kich mei chiwen chok poporous won epwe ifan usun an epwe tongeni tumwun suk sefanin ekkewe nenien mouruno.

Oruen Kaps Eis: Epwe ifan usun an epwe fis me punguno kokotun an epwe suk ekkewe camp nenien mouruno? Mei wor met mei auchea epwe fis non unusen ei sopw?

Ponuen oruen kaps eis: Tewe Ofesin Kepina (GO) me ewe Pekin Tumwunuw Fetanin Samwaau non Oregon (OHA) repwe angang fengen ren ar repwe finata inet fansoun a ururoch ngeni epwene suk ekkewe camp nenien mouruno fiti tumwunun ekkewe semirit me chon angang. Ika pwe epwe wor minafon kapsen ourour, ewe OHA me ewe GO repwe tingor ngeni ekkewe ir mei mefi osukosukan ren met mefier

Ounungatin Kaps Eis: Met mei auchea epwe fis ika epwe tongeni wor pun epwe tongeni mumuta ar repwe suk? Ekkewe camp nenien mouruno mei menei sokkun kokkot me mwokutukutun angang fengen, iwe kich mei chiwen ekieki ika met epwe tongeni fis nupwen epwe suk ekkewe camp nenien mouruno, me pwan ifan koukun esinesin epwe wor rech pun epwe tongeni mumuta.

Ponuen onunungatin kaps eis: Ewe Ofesin Kepina me pwan ewe Pekin Tumwunuw Fetanin Samwaau non Oregon iei ir mei wor ar poporous won epwe ifan nikinikin kokotun angangen ekkewe camp nenien mouruno ren ar repwe tongeni suk sefan. Ika pwe ekkewe kapasen ourour non ewe Ewin Kinikinin Suk Sefan mei anisi kounon fetanin ewe monun samwaau, iwe sipwe tongeni niwin sefaniti ach sipwe pwan awora sefani minafon kapasen ourour ren tumwunun angangen ekkewe camp nenien mouruno non ekkean wik sipwe tonong non.

Oruwanun Kaps Eis: Epwe tongeni wor aninisin moni ren ekkewe camp ir mei anongonong won ekkewe sokkun prokram ekan fis non ekkewe camp nenien mouruno?

Ponuen oruanun kaps eis: Non ei fansoun, ese mwo naf aninisch moni ren met epwe tongeni anisi mokutukutun me angangen ekkewe nenien camp. Ekkewe minneka ar ekkewe neni repwe tongeni angang fengen me ewe Oregon [Nenien Anisin Moni Ngeni Ekkewe Kukun Kompeni](#) ren ar repwe tongeni anis ngenir sokkun met aninis mei fen wor fan iten ekkewe sokkun prokram.

Enimuen Kaps Eis: Kich mei nomw nge ekkieki ika met auchean pwopun an epwe wor an ekkewe camp repwe fori pwe epwe chok "ekewe chok" chon

repwe tongeni nomw non ewe neni nge me murin ekkewe chon nomw (semirit me chon angang) ir mei niwin sefan neonowas/nekunion ngeni imwer kewe.

Ponuen enimuen kapas eis: Ewe auchean pwopun pun ika pwe emon semirit a wor ren ewe COVID-19, ewe chon angang ika pwan ion semirit mei nomw kanengeni ewe semirit ru ran me mwen an epwe pwano ekkewe esisinen ewe samwaaui mei auchea pwe repwe imwuno non nenier non ukukun 14 ran. Iwe, meinisin chon nomw kapach ewe sense mei auchea pwe repwe imwuno non nenier, iwe pwan semen me inen ekkewe semirit ir mei nomw orun ewe mei uri ewe samwaaui repwe nomwotiw non imw resapw no ngeni angang pun repwe tumwunuw nour we semirit epwe imwuno seni meinisin.

Iwe nge, ika pwe mei wor mei samwaaui ren COVID-19 repwe pachenong non ese nifinifin mwichen camp non ewe ru ran me mwen epwe pwano ekkewe esisinen ewe samwaaui, iwe epwe ne men chommong semirit me chon angang repwe imwuno non nenier. Nge ach sipwe fori pwe epwe chok ekkewe chok chon ew mwichen camp, ekkewe nenien camp repwe tongeni ar repwe fori pwe resapw achomongu chon repwe nomw fengen me pwan ekkewe chon angang nupwen epwe wor ion a tori ewe COVID-19.

Owonuwen Kapas Eis: Met sokkun kapsen ourour ekkewe camp ren mwichen namanam repwe fiti nupwen repwe awora camp ren nenien mouruno me ren angangen mongo non ewe neni?

Ponuen owonuen kapas eis: Ese mwo wor camp nenien mouruno a mumuta an epwe suk non ei fansoun.

Nenien Kukunou Nukun

Ewin Kapas Eis: Kich mei tongeni aea ekkewe neni ren park an epwe fis pwe an ekkewe chon camp nenien kukunou nukun fansoun asese?

Ponuen ewin kapas eis: Ewer, ekkewe park ra fen suk sefan mei mumuta an chon camp repwe aea. Ewer, ewe koukun ren 75 chechen ren emon me emon chon camp nupwen repwe nomw nukun. Pwan ikkei [An OHA kapasen ourour fan iten nenien kukunou nukun](#), ekkewe nenien kukunou neran mei fis pwe nenien an aramas nonomw (pachenong nge esapw kisi seni nenien kukunou an semirit, nenien piknik, nenien kukunou non konik me pool, nenien urumwotun basket) repwe chok sopwosopwono me kesip.

Oruen kapas eis: Ekkewe nenien tukken repwe tongeni repwe suk non ei fansoun a asese sukun? Ika ekkewe nenien tukken repwe tongeni repwe mumuta ar repwe suk non Oruen ika Ounungatin Kinikinin Suk sefan?

Ponuen oruen kapas eis: Ese mwo fat ren inet fansoun me pwan met mei auchea epwe fis ren suk sefanin ekkewe nenien tukken non ei fansoun.

Ounungatin Kapas Eis: Rese pwan pachenong ekkewe nenien tukken ir mei chok ekkenimenim iteitan ren ar repwe tongeni suk sefan?

Ponuen ounungatin kapas eis: Ren iei, ese wor nenien tukken mei ketiweu ar repwe tongeni suk. Ekkewe pekin ra kan tumwunuw ekkewe nenien apochokuna inis mei auchea pwe repwe tumunuw pwe ekkewe nenien nimenimen me epwichikara inis repwe chok kesip. Iwe pwan, ekkewe mwichen pekin apochokuna inis repwe tumwunuw pwe ekkewe nenien tukken epwe chok fan iten ren pekkin urumwot, me ossukunen kaoo tukken, me pwan ekkoch mwokutukut mei menei pwe epwe fis non konik.

Oruanun kapas eis: Ika pwe ew camp mei pusin wor an nenien tukken, ir mei tongeni repwe aea? Ifan sokofesenin tukken non pusin ar kewe nenien tukken ika ekkewe watten konik nukanapen fonu? Ika pwe sipwe tongeni fori angangen atowawa nefinen aramas non ekkewe watten konik nukanapen fonu ese pwa tongeni ach sipwe fori pwe chon ew mwich repwe tukken non ewe nenien tukken non ew fansoun me fori pwe epwe onuw (6) fit towawen nefiner, iwe mei pwan wor ewe saraskon enimenim an epwe nimenimoch? Mei tongeni wor anen an epwe tongeni fis ei?

Ponuen Oruanun kapas eis: Ren iei, ese wor met mei ketiweu me non an esapw suk ekkewe nenien tukken. Ekkewe pekin ra kan tumwunuw ekkewe nenien apochokuna inis mei auchea pwe repwe tumunuw pwe ekkewe nenien nimenimen me epwichikara inis repwe chok kesip. Iwe pwan, ekkewe mwichen pekin apochokuna inis repwe tumwunuw pwe ekkewe nenien tukken epwe chok fan iten ren pekkin urumwot, me ossukunen kaoo tukken, me pwan ekkoch mwokutukut mei menei pwe epwe fis non konik.

Enimuen Kapas Eis: Nge ekkewe nenien camp an Boy Scout?

Ponuen enimuen kapas eis: Pwan ikkei [An OHA kapasen ourour](#), ekkewe camp nenien mouruno rese mumuta ngenir ar repwe suk non ei fansoun.

Owonuen Kapas Eis: Mei mumuta ekkewe nenien camp no mouruno nein pwonopwon/ika kunou nein ira mei mumuta (ika pwe ekkewe chon sukun repwe no mouruno non imwer tento)?

Ponuen owonuen kapas eis: Pwan ikkei [An OHA kapasen ourour](#), ekkewe camp nenien mouruno nepwin ese mumuta ar repwe suk non ei fansoun.

Efisuwen Kapas Eis: Ika pwe ew camp epwe tongeni ekkesiwin ngeni an epwe an famini chok, epwe wor angangen atowawafeseni nefinen aramas nge esapw pwan pachenong non ew prokram, mei mumuta ngeni. Mei tongeni pwe ew nenien camp ngeni meinis epwe ekkesiwin ngeni an epwene chok an famini, fori angangen atowawa nefinen aramas, fengen me esapw pwan pachenong non ekkewe prokram?

Ponuen efisuwen kapas eis: Ekkewe camp mei tongeni suki ngeni famini ar repwe aea ar kewe neni ngeni fan iten famini chok, fori angangen atowawa nefinen aramas, esapw pwan pachenong non ekkewe prokram, iwe pwan pachenong angangen mongo. Iwe ekkei camp repwe anongonong won ewe [Kapasen Ourour Fan iten Nenien Urumwot Mei Fis Nukun](#). Camp nenien mouruno nepwin ren ion esapw ir chon non ew chok imw, akkaewin ika ese wor emon watte chon non

imwer epwe nonomw rer, mei pachenong non ewe tetteinnin pwe camp nenien mouruno nepwin. Pwan ikkei [An OHA kapasen ourour](#), Ekkewe camp nenien mouruno nepwin rese mumuta ngenir ar repwe suk non ei fansoun.

Ren Chon Angang

Q1: Ngang mei weweiti pwe ewe kapasen ourour fan iten ekkewe chon angang repwe kan ekkesiwini pwan ekkoch chon angang fansoun ar asese repwe angang ngeni fitu kinikinin mwich non ewe camp, iwe nge ai nukuw epwe met ururun epwe fis ese tongeni fetanoch an ren ei napanapen angang. Ika pwe ew ekkewe pwonupwonun maas mei efisi we epwe osukosuka tumwunun ekkewe semirit, epwe tongeni awora ngenir osukosuk, met mei och an emon epwe aea?

Ponuen ewin kapas eis: OHA mei menei pwe ekkewe pwonupwonun maas repwe aea nupwen fansoun mei weires an epwe fis ewe atowawa nefinom me emon me nukun chok ika mei wor met epwe tongeni fis fan iten emon mei weires ngeni an epwe tongeni aea ekkewe pwonupwonun maas ren met pusin koukun pochokunen inisin ren sokkun samwaau mei fen wor ren.

Oruen Kapas eis: Mei tongeni pwe nouch kewe semirit rekan mochen aninis (resapw pwan kamo ekkewe ierir nefinen 11 me 15) sipwe pacherenong nein chon angang? Mei tongeni pwe epwe 1 sense, emon semirit chon aninis ngeni 10 semirit non ew mwich?

Ponuen oruwen kapas eis: Ekkewe chon aninis, ese pwan nifinifin ren ierir, rese pachenong non ewe koukun chok engon chon iw mwich.

Ounungatin Kapas eis: Epwe fitemon chon angang repwe tongeni pachenong non ewe koukun ew ekkewe chok chon non ew mwich?

Ponuen eunungatin kapas eis: Ese pwan wour koukun ren chon angang non ew chok mwich mei chok auchea pwe repwe pachenong non ewe mwich a ina chok ewe mwichen semirit repwe angang ngeni non koukun ar tongeni.

Oruanun Kapas eis: Me mwan kich mei awora aninisin tumwunun semirti seni kunok 5 nesosor - 8 nesosor (aninis mwen poputan angang) me pwan 2 neonowas - 6 nekunion (aninis murin angang) Ngang mei kuna ewe kapasen ourour ren fan iten chon sukun, nge met kapasen ourour fan iten chon angang? Mei fat pwe, sise tongeni sipwe chok nounou ekkewe chok chon angang seni kunok 5 nesosor - kunok 6 nekunion.

Ponuen oruanun kapas eis: Ekkewe chok chon non ew mwich epwe pachenong ekkewe chok semirit seni me mwen pwoputan angangen tumwun, tori fansoun angangen tumwun, me pwan me mwurin angangen tumwun. Ekkewe semirit repwe ikenair chok chochon non ew mwich, ina mwo ika emon chok neir e war me mwen angangen tumwun ika me mwuin angangen tumwun. lowe chon angang epwe angang inaii chok epwe nomw ren ekkewe semirt iteiten fansoun meinisin. Ren nupwen epwe wor fansoun epwe tamono fansoun angang ina atun epwe tongeni

wor pwan emon chon angang me nukun ewe ren an epwe aninis ren angangen me mwen me murin fansoun tumwun. Ekkewe chon angang repwe kan ekkesiwini ekkoch chon angang fansoun asease ikenair repwe tongeni aninis non ei kinikinin fansoun.

Enimuwen Kapas eis: Mei wor sokkun aninis ren moni an epwe anisi mwokutukutun mei wor ren kanapenon chon angang, ren pekkin enimenim, me pwan ekkoch sokkun mei menei moni ren wa nupwen fansoun sipwe awora angangen atowawa nefinen aramas?

Ponuen enimuwen kapas eis: Non ei fansoun, ese mwo wor aninisin mwoni an epwe anisi fetanin ach kewe nenien camp.

Enimenimen me Nimenimoch

Ewin Kapas eis: Ian sipwe tongeni wano ian ach kewe plan ren ekkewe sokkun samwaau mei efeiengaw pwan mecheres an epwe tongeni tori emon seni pwan emon? Ngeni ach kewe nenien tumwunun samwaau non neniach kewe ika ngeni emon chon ewe OHA?

Ponuen ewin kapas eis: Ekkewe nenien camp repwe fori ar kewe plan ren eppetin me tumwunun ekkewe samwaau mei efeiengaw me mecheres an epwe tori emon, nge resapw ngeni chon ewe pekin tumwunun samwaau, OHA, ika ew pwan neni.

Oruwen Kapas eis: Mei wor ew sokkun anapanapen ena plan sipwe tongeni aea ika nounou? ika sipwe katon seni?

Ponuen oruwen kapas eis: Ewe Mwichen Kangof ren ekkewe Camp mei wor rer sakopaten met repwe tongeni nounou, mei pachenong he Association of Camp Nursing has multiple resources, including [kapasen ourour ren angangen fori plan ren ekkewe sokkun samwaau mei efeiengaw me mecheres an epwe tori emon.](#)

Eunungatin Kapas eis: Mei wor ion sipwe tongeni sipwe ngeni ach we plan epwe tongeni katon ngeni kich ren chok ach sipwe sinei pwe kich mei fiti ururun met sipwe fori ren tumunun ekkewe semirt me ekkewe chon tumwun?

Ponuen eunungatin kapas eis: Ren mwo iei, ese mwo wor ew neni mei wor ren ewe tufichin an epwe aninis ne nengeni ach kewe plan non ei fansoun. Ka tongeni sopweno ne tinanong omw kapas eis fan asengesin ewe angangen suk sefan ngeni covid19.reopening@dhsosha.state.or.us ren an epwe pachechong nein ekkewe kapas eis an aramas non pwan ekkan ran.

Oruanun Kapas eis: Ewe kapasen ourour e affata pwe ekkewe aramas mei nomw non neni epwe mecheres ngeni an epwe tori COVID-19 resapw kapachenong, nge ese pwan porous fan iten ekkewe sokkun samwaau mei efeiengaw me mecheres an epwe tori emon. Ifan kapasen ourour fan iten ekkena? Mei pwan menei pwe sipwe pwan chek fan iten ekkena?

Ponuen oruanun kapas eis: Ena kapasen ourour e katou fan iten mwokutukutun non ei fansoun mei cheuno COVID-19. Ekkewe nenien camp repwe sopweno ne fiti metewe ar omwokut ren ekkewe sokkun samwaau mei efeiengaw me mecheres an epwe tori emon.

Enimuwun Kapas eis: Met epwe tongeni repot ngeni ach kewe nenien Tumwunun Samwaau non neniach kewe (LPHA)? Inet epwe tongeni repot ngeni LHPA? Awewe chok: Emon serafo a samwaau nupwen fansoun an nonomw non ewe camp, nge esapw meinisin metekewe mei fis ngeni mei pwarata pwe esisinen ewe COVID-19. Ei epwe ururun pwe epwe rept ngeni LPHA? Inet epwe tongeni repot ngeni LPHA?

Ponuen enimuen kapas eis: Ika pwe emon e nomw non ewe nenien kaeo mei pwano pwe a wor ren ewe COVID-19, repotei ngeni ewe LPHA non ukukun 24 awa me pwan angei met ourour ren angangen enimenimen ewe rumwen sukun ika fen an epwe kesip ewe sukun. Repotei ngeni ewe pekin tumwunuun samwaau non neniach kewe sokkun samwaau (mei wor mor, pwichikar, mwus, feinsen, me fisikot) mei fis non ewe nenien kae ren chon angang ika chon sukun.

Owonuwen Kapas eis: Emon serafo epwe samwaau nupwen fansoun an fiti ewe prokram epwe imwuno seni meinisin tori fansoun epwe wor chon eto angei me non ewe neni. Ewe serafo epwe chok nomw non ewe mwich e fiti ika epwe mwokut ngeni ew neni imwuno seni meinisin?

Ponuen owonuen kapas eis: Mei namwot an epwe imwuno ewe serafo mei wor ren ekkewe esisinen pwe a samwaau seni meinisin chon no an iwe mwich, epwe

imuno non pwan ew rum ren non ofes ika ew rum me nukun ewe chiechian kewe re nonomw non. Pwan ew met epwe fis, ika pwe ewe semirit mei mefi wenungaw, iwe mei och emon chon angang epwe nomw ren ewe semirit nukun ewe nenien camp tori fansoun an epwe war wan iwe an epwe ne no.

Efisuen Kapas eis: Ekkewe mwich epwe fis pwe iknair chon ew fansoun meinisn epwe fis non tetenin ierir? Mei namot pwe chon non ew famini/chon non ew imw repwe chok nomwofengen non ew mwich? Ekkewe semirit ra ierin sukun seni chok ew famini mei namwot pwe repwe nomw non ew mwich ika repwe tongeni nomw non pwan ekkoch mwich fiti ngeni tetenin ierir?

Ponuen efisuen kapas eis: En mei tongeni pusin fori met omw onnukun epwe ifan usun omw kopwe forata omw kopwe mwich epwe chok ikenair chon ew mwich iteiten ran.

Awanuan Kapas eis: Mei och pwe ew imwen ngaseno fitu sokkun mwich repwe tongeni aea? Mei tongeni pwe meinisin repwe aea ew imwen ngaseno?

Ponuen awanuen kapas eis: Ewer, sakopaten mwich ika meinisin mei tongeni aea ewe imwen ngaseno nge epwe chok ew mwich fan ew ar repwe aea ewe imwen ngaseno. Ekkewe chon angang repwe fori pwe ekkewe semirit repwe aea ewe imwen ngaseno epwe chok kouk ngeni ukukun ar repwe tongeni fori ewe atowawa nefinen emon me emon nupwen fansoun repwe tonu pour.

Etiuwen Kapas eis: Mei tongeni pwe ruw mwich repwe aea fengen ew nenien tutu? Ika pwe ewer, iwe epwe kan inet fansoun ekkewe nenien tutu repwe tongeni nimenim?

Ponuen Etiuwen kapas eis: Ewer, nge epwe chok ew mwich fan ew ar repwe aea ewe nenien tutu. Angangen enimenim epwe chok fis iteiten fansoun murin an ew me ew mwich aea ewe nenien tutu.

Engonun Kapas eis: Met mei auchea ren nimenimen won simen? Nimeti me enimenima iteiten ran? Mei namwot pwe ekkewe semirit repwe pwiniti nour susen nkun imw iwe ra nounou nour susen non imw nupwen fansoun repwe nomw non ewe camp?

Ponuen engonun kapas eis: Won simen epwe chok nimenim me enimenim fansoun meinisin. Angangen pwiniti sus fansoun tonong non imw mei och ngeni angangen nimenimoch epwe pwan tongeni ekukunano nimengaw me ekkewe monun nimengaw. Iwe nge, sus esapw kon pwan ew anen an epwe chouno ewe COVID-19. Ekkewe chon nemenei ekkewe camp resapw kon pwan nengeni ren met repwe fori fan iten ena.

Won simen mei namot repwe nimenim non ururun ren tumwunun ewe COVID-19. Iwe nge, kich mei menei pwe epwe wor angangen enimenimen ekkewe neni ian mei fis pwe nenien an aramas attapa me aea. Ekkei mei pachenong chepen, sea, pisekin urumwot, metekewe mettoch ir mei nounou fengen, sukkun asam, nenien kokusun konik non nenien mongo me nenien ngaseno, me pwan ekkoch. Ekkewe chon nemeni ekkewe camp repwe nengeni pwe repwe enimenim ekkei metoch iteiten ran fansoun aea.

Ekkewe pisekin enimenim mei nieno monun samwau [iteiten ekkewe sokkun pisekin enimenim mei mumuta meren ewe Pekin Tumwunuw Nimenimochun Neni non US \(EPA\)](#) ina met epwe aea ne enimenim ngeni won simen me ekkewe neni aramas ir mei kan soun attapa.

Engon me Ewin Kapas eis: Ika pwe sise tongeni kunokun ekkewe totonun paaw mei fiti arukor, epwe men weires ach sipwe suki ach we camp ika pwe sise tongeni awora ekkei ngeni ekkewe semirt me chon angang. Met pwan mefiom me nukun ekkewe totonun paaw mei wor arukor non?

Ponuen engon me ewin kapas eis: Ren mwo iei, ese mwo chiwen wor angangen kamotiwun ekkewe totonun paaw fan iten ach kewe nenien camp non unusen ei

sopw. Ka tongeni kuna me won [an Oregon Supply Connector iwe neni won internet](#) ren pwan ekkoch porous kopwe sinei.

Engon me ruwen kapas eis: Met mei auchea epwe fis ren ekkwe van ukukun 15 chon repwe fiti? Mei tongeni pwe "Ewe Chok Ukukun 10" epwe tongeni pwan sakofetan iteiten ran non ewe wik (nge epwe wor ewe 3 fit nefiner me non ewe van?

Ponuen engon me ruwen kapas eis: Esapw wor emon semirit ika chon angang epwe pwan fiti chon non ew mwich me nukun pusin ar we chok mwich. Ewe chok mwichen semirit mei menei pwe epwe chok ikenair chon ewe mwich iteiten ran. Ika pwe 10 semirit re chufenge won war non Sarinfan, iwe ikenair repwe chok fiti efoch wa iteiten ran non unusen ewe wik. Ekkewe chon angangen ewe camp repwe makketiw iteiten chon ekkewe mwichen semirit me chon angang tori pwan chon uwei ewe wa, pwan pachenong ewe pwinin maram me ewe kunok tori pwan nampan ewe wa.

Chon uwei ekkewe wa repwe tongeni uwei fitu kinikinin mwichen semirit ika pwe ir mei aea ekkewe pwonupwonun aw me pwot me pwan nimeti pour me mwen me murin ar repwe uwei ewe me ew ekkewe mwich. Ekkewe wa repwe nimenim iteiten nefinen an epwe wor ew mwichen semirit ika chon angang repwe fiti. [Ourour fan iten ekkewe sein uwou semirit.](#)

Sokkun Prokram

Ewin Kapas eis: Epwe ifan usun ren ekkewe Sukunen Bible ren Mwichafen (VBS), mwichen serafo nepwin/me sai ren mwichen namanam?

Ponuen Ewin Kapas eis: Mwichafen VBS repwe fiti ourour seni [Kapasen ourour ren ekkewe Camp fan Iten Chon Semirit ra Ierin Nomw non Sukun.](#) Ese wor camp ren mouruno nepwin mei mumuta non ei fansoun.

Oruwen Kapas Eis: Mei chon nikinikin ekkewe sokkun Prokram fan iten Sukun ren pwan ekkewe nenien Tumunun Semirit me pwan fiti ngeni ourour fan iten ekkewe nenien tumwunun semirit, nge met sokkun kich non ewe nenien camp fansoun an a asese sukun sipwe tongeni fori, ren met mei fat pwe ina ururun sipwe fori non ewe camp?

Ponuen oruwen kapas eis: Ekkewe Prokram mei mumuta ngenir ar repwe fori angangen tumwun ren usun chok non ekkewe Nenien Tumwunun Semirit. Ekkewe ourour fan iten nenien camp fansoun asesun sukun me ekkewe nenien tumwunun semirit (me pwan ewe ourour fan iten sokkun taropwen ekkewe Nenien Tumwunun Semirit) ir mei chok nono fengen me rese pwan wor sokofesenir ren tumwunun semirit ra nomw non ierin sukun. Ekkei prokram mei menei pwe repwe rechister usun ew Nenien Tumwunun Semirit Fansoun Atapwanapwanen Osukosuk repwe pwan wewe ngeni ekkewe ourour mei kawor seni ewe Pekin Tumwunuw Pekin Kao ren Semirit ren an epwe anisi fetanin ewe prokram.

Ekkewe nenien camp neran mei sakoseni ekkewe nenien tumwun semirit; iwe nge, ika pwe ew neni mei fori angangen tumwun usun ew Nenien Tumwun Fansoun Atapwanapwanen Osukosuk, repwe fiti [ekewe kapasen ourour fan iten ekkewe nenien tumwunun semirit](#).

Eunungatin Kapas Eis: Ika pwe mei fat pwe kich ew prokram sikan awora aninis murin sukun, sipwe pwan tongeni amasowa taropwen ach sipwe angang usun ew Nenien Tumwun Semirit Fansoun Atapwanapwanen Osukosuk (ECC) ren ach sipwe tongeni suk usun ew camp fansoun asesen sukun?

Ponuen Eunungatin Kapas eis: Ika pwe ewe neni ew mei fat pwe ew nenien awora aninis murin sukun iwe mei och kopwe rechister usun ew ECC, an epwe wor Ekkesiwin Ren Tumwunun Semirit ren ekkewe onnuk me met taropwe mei katou non ewe April 24, 2020 [iei mei nomw ikei](#)

Enimuwen Kapas Eis: Ach we nenien Camp Neran mei nomw won ew wattten neni mei suki aninis ngeni ier 3 tori 9 mwich. Mei pwan wor met mei auchea sipwe fori mei sakono fan iten esapw meinisin chon ach iwe camp repwe no ngeni kindergarten, ika sipwe chok fiti metekewe kapasen ourour an ei sopw?

Ponuen enimuen kaps eis: Ekkewe nenien camp fansoun an a asese sukun repwe tongeni chok anisi ekkewe semirit ra nomw non ierin sukun non ei fansoun nge ekkewe ierir mei kukun seni 5 ier repwe nomw non ekkewe nenien tumwunun semirit.

Owonuen Kapas eis. Metekewe Prokram mei Affateti?w?

Ponuen owonuen kapas eis: mei wor ruu sokkun prokram mei affateti. Ekkewe Prokram an Preschool, ekkewe a anisi semirit seni 36 maram tori 5 ierir, ekkei fan iten an ekkewe semirit repwe kaeo iwe esapw wor semirit epwe nomw non ewe neni nap seni ruanu (4) awa ew ran. Ewe Prokram fan iten Chon Semirit ra lerin nomw non sukun ei ngeni ekkewe ewin mwich ngeni 13 ierir, a kawor fan iten aninisin ekkewe semirit non sokkun mwokutukutun met repwe fori an epwe anisir me nukun aninisin pekin kaeo non sukun iwe ese pwan pachenong angangen tumwun. Ren met sopwosopwun kopwe tongeni sinei fan iten metewe prokram epwe affateti?w ka tongeni kokori ewe Ofesin Tumwunun Semirit won nampa 1-800-556-6616 ika email childcare.emp@state.or.us

Pekin Urumwot me Sukun

Ewin Kapas eis: Ifan usun an ach kewe kumien urumwot repwe aea "fengen" pisekin urumwot?

Ponuen ewin kapas eis: Ewe mwichen semirit (chon ew chok mwich) repwe tongeni nounou fengen ekkewe pisekin urumwot nefiner me chon non ar iwe mwich (awewe chok ren 5 chon non ew mwichen basket). Rese tongeni are repwe aea fengen pisekin urumwot me chon pwan ew kumi iwe ekkewe pisekin urumwot repwe enimenim iteiten ran wesin ar aea.

Oruwen kapas eis: Ekkewe nenien camp ren pekin urumot, nenien keo tukken me urumwoten non gym, mi chok taitap kapasen orour repwe fiti me ekkewe camp fan iten semirit ra tori ierin repwe sukun?

Ponuen oruen kapas eis: Ekewe camp ren pekin urumwot, prokramen serafo, nenien keo tuken m urumwoten non gym repwe fiti ekkewe [Kapasen ourour ren fan iten ekkewe nenien camp an semirit ra tori ierin keo](#), ese pwan nifinifin ika ian epwe fis ian.

Eunungatin Kapas eis: Ekkewe mwich re efisi ar mwokutukut nukun mei namot repwe pusin wor ar imwen ngaseno non ewe wik, awewe ren, ar repwe rentini ekkewe nenien ngaseno mi kan tongeni keki fetan?

Ponuen eunungatin Kapas eis: Mei tongeni an epwe fitu mwich repwe aea fengen ew imwen ngaseno, nge epwe chok ew mwich fan ew. Angangen enimenim epwe chok fis iteiten fansoun murin an ew me ew mwich aea ewe nenien tutu.

Oruwanun Kapas eis: Non an Portland ekkewe nenien kukunou non park ikewe mi kouk angangen tonu pouch, ekewe chon camp repwe tongeni chok tonu pour ngeni ekewe totonun paw mei wor arukor non?

Ponuen oruanun kapas eis: Pwan Ikkei [An OHA kapasen ourour](#), ekkewe camp repwe awora nenien tonu paw me pisekin, nenien kapich ekewe epwe mecheres ngeni ir fengen ekkewe semirit me chon angang.

Enimuen Kapas eis: Mei och an ew mwich repwen nounou fengen ekkewe pisekin urumwot ren pwor, raket, san, me pwan ekkoch nge esapw pwan wor an epwe enimenim ekkewe pisek iteiten mwen me murin an wor chon nounou? Met sipwe tongeni aea ren pisekin enimenim epwe och ngeni semirit ren ach sipwe tongeni nimeti ngeni ekkewe pisek ir mei pipisek fengen (ika fen ren nefinen ekkewe semirit ir mei nomw fengen non ew mwich?).

Ponuen enimuen kapas eis: Pwan ikkei [An OHA kapasen ourour](#), ika epwe tufich, awora pwe ekkoch pisekin urumwot (awewe ren, pisekin chungu, pisekin music, pwor, tepokuro, me pwan ekkoch) epwe chok ew pwich epwe nounou nge epwe enimenim iteiten murin me mwen an epwe wor chon pipisek. Ika pwe epwe wor an fitu mwich repwe pipisek fengen, iwe epwe chok enimenim iteiten mwen me murin an ew mwich pipisek. Ekkewe pisekin enimenim mei affat [mei wor tettenin iten ekkewe pisekin enimenim mei mumuta meren epwe Pekin Tumwunuuw Nimochun me Nonomwun Neniach \(EPA\)](#) ekkewe epwe tongeni aea ne enimenima ekkewe pisek ekkewe mwichen semirit/chon sukun mei kan aea fengen.

Ekkoch Fos Sipwe Wewefichiti Wewen

Ewin Kapas Eis: Kose mochen kopwe awewe sakofesenin ekkei fos chon ew mwich/ewe chok ew mwich Ekkei mei tongeni ar repwe ew chok wewer?

Ponuen ewin kapas eis: Ewer, ewer ewe chok ew mwichen 10 semirit mei pwan tongeni pwe ir chon ew mwichen 10 semirit.

Oruen Kapas eis: Ewe ew chok mwichen 10 semirit epwe ekkesiwini ewe kouk ren 25? Ika pwan, mei tongeni pwe ew camp epwe tongeni anomu 26 aramas non ew mwich ar repwe fori ew chok sokkun mwokutukut non ew chok neni ika pwe mei naf nenier ren koukun nenien emon me emon?

Ponuen oruen kapas eis: Ewer Ika pwe mei naf ukukun neni ren koukun nenien emon me emon ren fansoun mongo me aea imwen ngaseno, me pwan ekkoch sokkun met repwe fori non ew chok fansoun, iwe ewe camp mei tongeni epwe wor nap seni ew an mwichen semirit tori 26 aramas ika nap seni. Iwe nge, ekkewe angang repwe fori epwe chok pusin non ew me ew mwich esapw nofitifit fengen chon ekkewe mwich. Iwe pwan, ewe koukun towawen nefinen emon me emon chon ewe mwich epwe kawor fan iten an esapw wor ar repwe nofitifit fengen.

Eunungatin Kapas eis: Epwe ifan usun ach sipwe eimwueno/angang ngeni ekkewe semirit mei menei sokkun angangen tumwun?

Ponuen eunungatin kapas eis: Ewe pwan wor met mei auchea an ekkewe nenien camp repwe akkoumwa angangen ekkewe semirit mei menei sokkun aninis. Ekkei semirit resapw pwan sokkono nikinikin aninis epwe no ngenir seni ekkewe chon non ew me ew mwich non ewe camp.

Oruwanun Kapas eis: Kose mochen kopwe awewefichi ei fos "ew mwichen 10 semirit" me ika ewe mwich mei tongeni pachenong pwan emon semirit nupwen repwe kisiseni 10. Ika pwe ewer, iwe epwe inet me pwan ifan usun.

Ika pwe iteiten wik, iwe ifan usun ach sipwe awewei ew wik, ren pwoputan me muchunon 1 wik me pwan fitu ranin.

Ponuen oruanun kapas eis: Ewe mwichen 10 semirit wewen pwe ekkewe chok 10 semirit ikenair repwe nomw fengen non ew mwich iteiten ran fansoun ar nomw non ewe camp. Pwan usun ren chon angang ikenair chok repwe pwan angang ngeni ewe ew mwichen 10 semirit iteiten fansoun ika epwe tufich. Ewe ew mwich mei tongeni ekkesiwin iteiten pwoputan met epwe fis non ewe wik (Sarinfan, ika pwe ewe neni ekan suk seni Sarinfan-Enimu) Esapw pwan wor semirit epwe pachenong non ewe ew mwich ika pwe a wor ion semirit rese war non fitu ran ren ar semwen.

Enimuen Kapas eis: Ika pwe emon chon ese war ew ran nge esapw ren an semwen iwe a niwin sefan ew ran me murin, repwe chok pwan pachenong non ewe mwich ra fen nomw non me mwan?

Ponuen enimuen kapas eis: Ewer, nge ewe semirit epwe chok pachenong non meni mwich ii a fen pin nomw non me mwan. Esapw wor emon semirit epwe ekkesiwini ewe emon semirit fansoun an ewe semirit ese war (awewe chok, ika pwe ewe ew mwich ra chok ukukun tiwemon (9) semirit non ew ran).

Owonuen Kapas eis: Ren an epwe fatefateoch "Ew neni mei tongeni an epwe anomu ruu (2) mwichen semirit non ew ran" (nengeni ewe kinikinin e kapas fan iten towawen nefinen aramas) echok tongeni ren ekkewe camp repwe chok esopw ran, ika ngeni meinisin ekkewe camp?

Ponuen owonuen kapas eis: Ei echok no ngeni ekkewe camp repwe chok suk non esopw ran. Fitu sokkun mwich mei tongeni aea fengen ew neni (awewe chok ren, imwen ngaseno) nge epwe chok enimenim iteiten an ew mwich wes me aea me mwen pwan ew mwich epwe aea.

Efisuan Kapas eis: Ei fos "epwe" kich mei nounou ikei fan chommong. Usun ese kon fateoch wewen. Ei fos epwe mei tongeni pwan wewe ngeni "epwe chok" ika "epwe tongeni" (awewe chok, "aramas chon chuto repwe aea ekkewe pwonupwonun aaw me pwot.")

Ponuen efisuan kapas eis: Epwe wewen epwe tongeni – ren metoch mei kich mei mochen pwe epwe fis, nge ese pwan menei pwe ina met epwe fis. Epwe chok wewen pwe mei namwot an emon epwe fori. Ekkewe nenien camp mei mumuta ngeni ar repwe fori met sokkun ar onnuk epwe kon namwot ngenir me nukun met ekkewe kapsen ourour ra awora ngenir.

Awanuan Kapas eis: Ekkewe nenien kaeo pworuk an serafo mei namwot pwe repwe fori usun met an ekkewe camp ren semirit ra nomw non ierin sukun?

Ponuen awanuen kapas eis: Ewer. Ekkewe nenien kaeo pworuk me sokkun pwan met mwokutukut an serafo mei fis non ekkewe nenien pekin urumwot mei mumuta an epwe suk non ewe Ewin Kinikinin Suk sefan non ew neni nge repwe fiti met [kapsen ourour mei wor fan iten ekkewe nenien camp an semirit ra nomw non koukun ierin sukun](#).

Pwan Ekkoch

Ewin Kapas eis: Fatafateochun ponuen kapas eis ren ekkewe sein uwou semirit. Epwe ifan usun an epwe tongeni fis ewe angangen 3 fit towawen nefinen aramas me won efoch chitosa? Ika pwe ewe chon uwou ii emon sense chon non ewe ew mwich, repwe momot (6) fit towawen nefiner?

Ponuen ewin kapas eis: Apw. Ekkewe semirit tori pwan chon angang nupwen repwe nomw non ekkewe chitosa repwe nomw ukukun unungat (3) fit towawesenin nefiner fengen.

Oruwen Kapas eis: Mei wor met ese mumuta ngeni ren ekkewe camp repwe chok nomw won computer?

Ponuen oruwen kapas eis: Ren ion semirit epwe nomw non ekkewe sokkun camp repwe chok nomw won mecha iwe repwe nomw ukukun onuw (6) fit towawen nefiner fengen.

Eunungatin Kapas eis: Met sokkun omwokut mei murino ewe neni (sukun ren ekkewe sokkun neni ese pwan wor mwonu tonong rer, me an mwun kewe) repwe tongeni fori ika pwe nei we semirit epwe samwaa me non ewe nenien sukun? Ifan sokkun an epwe pwapwano ekkewe sokkun pworous ren taropwen porousen nonomwun emon semirit?

Ponuen eunungatin kapas eis: Ach muun esapw wisan epwe ponueni ei kapas eis. Wisom kopwe angang fengen me ewe neni ka wano ian noumw we semirit ren omw kopwe weweiti ar onnuk me sokkun met porous mei namot oupwe tongeni aninis fengen won.

Oruwanun Kapas eis: Ian sipwe tongeni pwan wano ian ach kapas eis ren non ekkwan ran mwach?

Ponuen oruwanun kapas eis: Meininis kapas eis fan iten ei angangen suk sefan ka tongeni mak ngeni ewe covid19.reopening@state.or.us. Ekkena kapas eis sia kan katon me nenengeni ach sipwe wanong non nouch kewe kapasen ourour ren ekkewe FAQ fan iten ei suk sefan.

Einimuen Kapas eis: Kose mochen afataochu ourour/onnuk fan iten sein uwou ekkewe serafo ika semirit.

Ponuen enimuen kapas eis: Esapw wor semirit ika chon angang repwe fiti ekkoch esapw ir chiener non ar mwich. Ekkewe chon angangen ewe camp repwe makketiw non taropwe iteiten semirit non ew mwich fengen me nour sense pwan pachenong ewe chon uwou chitosa, iwe epwe pwan mak ewe pwinin maram me ewe kunok ra fiti ewe wa non tori pwan nampan ewe chitosa. Ekkewe chon uwou mei tongeni uwei nap seni ew mwich nge repwe chok aea ekkewe pwonupwonun aaw me pwot pwan nimeti pour iteiten murin ach uwei ew me ew mwich. Ekkewe chitosa repwe enimenim iteiten murin ew mwich ar fiti [kapasen ourour fan iten ekkewe chitosa](#). Ekkewe semirit tori pwan chon angang nupwen repwe nomw non ekkewe chitosa repwe nomw ukukun unungat (3) fit towawfesenin nefiner fengen.

Owonuwan Kapas eis: Met sokkun pwonupwonun aaw me pwot ekkewe semirit me chon angang repwe aea non ekkewe camp? Ekkewe chon osukun repwe aea ekkewe pwonupwonun maas?

Ponuen owonuwan kapas eis: Sokkun pworous ke mochen fateitei fan iten pwonupwonun maas ren chon sukun me chon angang ka tongeni kuna me won [Kapasen Ourour fan Iten Pwonupwonun Aaw me Pwot ren ekkewe kompeni, me ekkewe sein uwou aramas](#). Fiti an OHA Kapasen ourour, ekkewe semirit ra watte seni 2 ierir ra tongeni aea ekkewe pwonupwonun aaw me pwot ika pwe mei wor watte epwe nonomw rer. Semirit ese pwan nifinifin ierir resapw aea ekkewe pwonupwonun aaw me pwot:

- Ika pwe epwe eweiresi fetanin ar ngasangas ren met ar samwaau mei wor rer;
- Ika pwe mei wor sokkun ar osukosuk me wonungaw epwe osukosuka ar repwe aea ekkewe pwonupwonun aaw me pwot;
- Ika pwe rese tongeni ar repwe pusin ettatiw ewe pwonupwonun aaw me pwot; ika
- Nupwen fansoun ar mour.

Ekkewe pwonupwonun aaw me pwot esapw och mettoch mei menei pwe ekkewe semirit repwe aea iwe esapw eppet ar repwe tongeni fiti ekkewe mwokutukun kaeo me sokkun mwokutukut mei fis.

Ren ekkewe ir mei wor ar tufichingawen inisir ika tufichingawen ar repwe weweiti fosun ekis, OHA mei tongeni awora ngenir ar sokkun met repwe nounou ren ekkei kapasen ourour non ekkoch fos me nukun fosun merika, non taropwe chowate, me pwan ekkewe noun ekkaw ir mei kan nenengaw rese tongeni annnea foun mak, me met sokkun en ke mochen kopwe nouni. Kokori Mavel Morales won nampa 1-844-882-7889, 711 TTY ika OHA.ADAModifications@dhsosha.state.or.us.